





說道無門盡大地人得入說道有門  
無阿師分第一強添幾箇注脚大似  
筭上頂笠硬要習翁贊揚又是乾竹  
絞汁着得這些哮本不消習翁一擲  
々々莫教一滴落江湖千里烏騷追  
不得紹定改元七月晦習菴陳墳寫



紹定二年正月初五日恭遇

天基聖節臣僧慧開預於元年十二

月初五日印行拈提

佛祖機緣四十八則祝延

今上皇帝聖躬萬歲萬歲萬六歲

皇帝陛下恭願

聖明齊日月







嘉龍翔因衲子請益遂將古人公案  
 作敲門尾子隨機引導學者意爾抄  
 錄不覺成集初不以前後叙列其成  
 四十八則通曰無門關若是箇漢不  
 顧危亡單刀直入八臂那吒攔他不  
 往縱使西天四七東土二三只得望  
 風乞命設或躊躇也似隙窓看馬騎

眼得眼來早已隱過

頌曰

大道無門

千差有路

透得此關

乾坤獨步

佛祖機緣

四十八則

目錄



德山托鉢	州勘庵主	大通智勝	趙州洗鉢	香巖上樹	俱胝豎指	趙州狗子
南泉斬猫	巖喫上人	清稅孤貧	奚仲造車	世尊拈花	胡子無鬚	百丈野狐

洞山三頓	國師三喚	平常是道	雲門屎橛	不思善惡	三座說法	不是心佛
鐘聲七條	洞山三斤	大力量人	迦葉刹竿	離却語言	二僧卷簾	久響龍潭



非風非幡  
趙州勘婆  
非心非佛  
倩女離魂  
庭前栢樹  
雲門話墮  
達磨安心

即心即佛  
外道問佛  
智不是道  
路逢達道  
牛過窓櫺  
趯倒淨瓶  
女子出走

首山竹篋  
他是何誰  
兜率三關

芭蕉拄杖  
竿頭進步  
乾峰一路

目錄終



無門關

參學比丘

彌衍

宗紹編

趙州狗子

趙州和尚因僧問狗子還有佛性也無州云無

無門曰參禪須透祖師關妙悟要窮心路絕祖關不透心路不絕盡



是依草附木精靈且道如何是祖  
師關只者一箇無字乃宗門一關  
也遂目之日禪宗無門關透得過  
者非祖親見趙州便可與歷代祖  
師把手共行眉毛厮結同一眼見  
同一耳聞豈不慶快莫有要透關  
底麼將三百六十骨節八万四千

毫竅通身起箇疑團參箇無字盡  
夜提撕莫作虛無會莫作有無會  
如吞了箇熱鐵丸相似吐又吐不  
出蕩盡從前惡知惡覺久久純熟  
自然內外打成一片如啞子得夢  
只許自知驀然打發驚天動地如  
奪得閻將軍大刀入手逢佛殺佛



逢祖殺祖於生死岸頭得大自在  
向六道四生中遊戲三昧且作麼  
生提撕盡平生氣力舉箇無字若  
不間斷好似法燭一點便著

頌曰

狗子佛性

全提正令

纔涉有無

喪身失命

百丈野狐

百丈和尚凡參次有一老人常隨衆  
聽法衆人退老人亦退忽一日不退  
師遂問面前立者復是何人老人云  
諾某甲非人也於過去迦葉佛時曾  
住此山因學人問大修行底人還落  
因果也無某甲對云不落因果五百



生墮野狐身今請和尚代一轉語貴  
脫野狐遂問大修行人還落因果  
也無師云不昧因果老人於言下大  
悟作礼云某甲已脫野狐身住在山  
後敢告和尚乞依亡僧事例師令維  
那白槌告衆食後送亡僧太衆言議  
一衆皆安涅槃堂又無人病何故如

是食後只見師領衆至山後崑下以  
杖挑出一死野狐乃依火葬師至晚  
上堂舉前因緣黃蘗便問古人錯祇  
對一轉語隨五百生野狐身轉々不  
錯合作箇甚麼師云近前來與伊道  
黃蘗遂近前與師一掌師拍手笑云  
將謂胡鬚赤更有赤鬚胡



無門云不落因果為甚墮野狐不  
味因果為甚脫野狐若向者裏著  
得一隻眼便知得前百丈贏得風  
流五百生

頌曰

不落不昧 兩采一賽  
不味不落 千錯万錯

俱胝豎指

俱胝和尚凡有詰問唯舉一指後有  
童子因外人問和尚說何法要童子  
亦豎指頭胝聞遂以又斷其指童子  
負痛號哭而去胝復召之童子廻首  
胝却豎起指童子忽然領悟胝將順  
世謂眾曰吾得天龍一指頭禪一生



受用不盡言訖示滅

無門曰俱胝斧童子悟處不在指  
頭上若向者裏見得天龍同俱胝  
斧童子與自己一串穿却

頌曰

俱胝鈍置老夫龍利刃單提勘小  
童巨靈擡手無多子分破華山千

方重

胡子無鬚

戒庵曰西天胡子因甚無鬚

無門曰參須實參悟須實悟者箇  
胡子直須親見一回始得說親見  
早成兩箇

頌曰



癡人面前  
胡子無鬚

不可說夢  
惺々添憎

香巖上樹

香巖和尚云如人上樹口啣樹枝手  
不攀枝脚不踏樹樹下有人間西來  
意不對即違他所問若對又喪身失  
命正恁麼時作麼生對

無門曰縱有懸河之辨物用不着  
說得一大藏教亦用不着若向者  
裏對得着活却從前死路頭死却  
從前活路頭其或未然直待當來  
問彌勒

頌曰

香巖真杜撰

惡毒無盡限



啞却衲僧口

通身透鬼眼

世尊拈華

世尊昔在靈山會上拈華示衆是時衆皆默然惟迦葉尊者破顏微笑世尊云吾有正法眼藏涅槃妙心實相無相微妙法門不立文字教外別傳付囑摩訶迦葉

無門曰黃面瞿曇倘若無人歷良爲賤懸羊頭賣狗肉將謂多少奇特只如當時大衆都笑正法眼藏作麼生傳設使迦葉不笑正法眼藏又作麼生傳若道正法眼藏有傳授黃面老子誰譚問闍若道無傳授爲甚麼獨許迦葉



頌曰

拈起花來キレハキキマツテ

尾巴已露ビハハシテ

迦葉破顏カセフハガ

人天開措ヒトテンカイサツ

趙州洗鉢

趙州因僧問某甲乍入叢林乞師指シヨヨ  
示州云喫粥了也未僧云喫粥了也キウシヨクリヤヤセカシダラ  
州云洗鉢盂去其僧有省ホウワシハチヤサレソノツタアリセイ

無門曰趙州開口見膽露出心肝ヒラケハカキヲ見  
者僧聽事不真喚鐘作甕コノソトキキリツラズニシテカチヲナクヨクヤ

頌曰

只爲分明極タミタメニワカニシテ

翻令所得遲カクツテニテ

早知燈是火ハヤチヒトコト

飯熟已多時カンジツクニタタ

奚仲造車

月庵和尚問僧奚仲造車一百輛拈ツクルモクルヲ



却兩頭去却軸明甚麼邊事

無門曰若也直下明得眼似流星

機如掣電

頌曰

機輪轉處

達者猶迷

四維上下

南北東西

大通智勝

興陽讓和尚因僧問大通智勝佛十

劫坐道場佛法不現前不得成佛道

時如何讓曰其問甚諦當僧云既是

坐道場為甚麼不得成佛道讓曰為

伊不成佛

無門曰只許老胡知不許老胡會

凡夫若知即是聖人聖人若會即



是凡夫

頌曰

了身何似了心休了得心今身不  
愁若也身心俱了冬神仙何必更  
封侯

清稅孤貧

曹山和尚因僧問云清稅孤貧乞師

賑濟山云稅關梨稅應諾山曰青原

白家酒三盞喫了猶道未沾唇

無門曰清稅輸機是何心行曹山

具眼深辨來機然雖如是且道那

裏是稅關梨喫酒鬼

頌曰

貧似范丹

氣如頂竊

無門

一



活計雖無

敢與鬪富

州勘庵主

趙州到一庵主處問有麼有麼主豎  
 起拳頭州云水淺不是泊船處便行  
 又到一庵主處云有麼々々主亦豎  
 起拳頭州云能縱能奪能殺能活便  
 作礼

無門日一般豎起拳頭爲甚麼肯  
 一箇不肯一箇且道諸訛在甚處  
 若向者裏下得一轉語便見趙州  
 舌頭無骨扶起放倒得大自在雖  
 然如是爭奈趙州却被一庵主勘  
 破若道二庵主有優劣未具參學  
 眼若道無優劣亦未具參學眼



頌曰

眼流星

機掣電

殺人形

活人劍

巖喚主人

瑞巖彦和尚。每日自喚主人。公復自  
應諾。乃云。惺々著。嗒他時異日。莫受  
入。瞞。嗒々

無門曰。瑞巖以老子。自買自賣。弄出

許多神頭。四面何故。擊一箇喚底。

一箇應底。一箇惺々底。一箇不受

人瞞底。認著依前。還不是若也。伽

他。忽是野狐見解。

頌曰

學道之人。不識真只為從前。認識



神無量劫來生死本癡人喚作本  
來人

德山托鉢

德山一時托鉢下堂見雪峰問者老  
漢鐘未鳴鼓未響托鉢向甚處去山  
便回方丈舉似巖頭云云大小德  
山未會未後句山聞令侍者喚巖頭

來問曰汝不肯老僧那巖頭密啓其  
意山乃休去明日陞座果與尋常不  
同巖頭至僧堂前拈掌大笑云且喜  
得老漢會未後句他後天下人不奈  
伊何

無門曰若是未後句巖頭德山俱  
未夢見在檢點將來好似一棚傀儡



儻

頌曰

識得最初句  
未後與最初

便會末後句  
不是者一句

南泉斬猫

南泉和尚因東西堂爭猫兒泉乃提  
起云大衆道得即救道不得即斬却

也衆無對泉遂斬之晚趙州外歸泉  
舉似州々乃脫履安頭上而出泉云  
子若在即救得猫兒

無門曰且道趙州頂草鞋意作麼  
生若向者裏下得一轉語便見南  
泉令不虛行其或未然險

頌曰



趙州若在

奪却刀子

倒行此令

南泉乞命

洞山三頓

雲門因洞山參次門問曰近離甚處  
山云查渡門曰夏在甚處山云湖南  
報慈門曰幾時離彼山云八月二十  
五門曰放汝三頓棒山至明白却上

問訊昨日蒙和尚放三頓棒不知過  
在甚麼處門曰飯袋子江西湖南便  
恁麼去山於此大悟

無門曰雲門當時便與本分草料  
使洞山別有生機一路家門不致  
寂寥一夜在是非海裏著到直待  
天明再來又與他注破洞山直下



悟去未是性燥且問諸人洞山三  
頓棒合喫不合喫若道合喫草木  
叢林皆合喫棒若道不合喫雲門  
又成誑語向者裏明得方與洞山  
出一口氣

頌曰

獅子教兒迷子訣擬前跳躑早翻

身無端再叙當頭著前箭箭猶輕後  
箭深

鐘聲七條

雲門曰世界恁麼廣闊因甚向鐘聲

裏披七條

無門曰大凡參禪學道切忌隨聲  
逐色縱使聞聲悟道見色明心也



是尋常殊不知衲僧家騎聲蓋色  
頭心上明著々上妙然雖如是且  
道聲來耳畔耳往聲邊直饒響寂  
双忘到此如何話會若將耳聽應  
難會眼處聞聲方始親

頌曰

會則同一家 不會方別千差

不會度同一家 會則方別千差

國師三喚

國師三喚侍者々々三應國師云將  
謂吾辜負汝元來却是汝辜負吾

無門曰國師三喚舌頭墮地侍者

三應和光咄出國師年老心孤按

牛頭喫草侍者未肯承當養食不



中飽人飡且道那裏是他辜負處  
國清才子貴家富小兒嬌

頌曰

洞山和尚因僧問如何是佛山云麻  
三斤

無門日洞山老人參得些蚌蛤禪  
纔開兩片露出肝腸然雖如是且

道向甚處見洞山

頌曰

突出麻三斤  
來說是非者  
言親意更親  
便是々非人

平常是道

南泉因趙州問如何是道泉云平常  
心是道州云還可趣向否泉云擬向

我少



即<sub>チ</sub>邳<sub>ノ</sub>州<sub>云</sub>不<sub>ズ</sub>擬<sub>争</sub>知<sub>是</sub>道<sub>泉</sub>云<sub>道</sub>不<sub>ズ</sub>  
屬<sub>知</sub>不<sub>ズ</sub>屬<sub>不</sub>知<sub>ハ</sub>是<sub>妄</sub>覺<sub>不</sub>知<sub>是</sub>無<sub>記</sub>  
記<sub>若</sub>真<sub>達</sub>不<sub>疑</sub>之<sub>道</sub>猶<sub>如</sub>太<sub>虛</sub>廓<sub>然</sub>  
洞<sub>豁</sub>豈<sub>可</sub>強<sub>是</sub>非<sub>也</sub>州<sub>於</sub>言<sub>下</sub>頓<sub>悟</sub>  
無<sub>門</sub>曰<sub>南</sub>泉<sub>被</sub>趙<sub>州</sub>發<sub>問</sub>直<sub>得</sub>瓦<sub>解</sub>  
解<sub>氷</sub>消<sub>分</sub>疎<sub>不</sub>下<sub>趙</sub>州<sub>縱</sub>饒<sub>悟</sub>去<sub>更</sub>  
更<sub>參</sub>三<sub>十</sub>年<sub>始</sub>得<sub>更</sub>

頌曰

春<sub>有</sub>百<sub>花</sub>秋<sub>有</sub>月<sub>夏</sub>有<sub>涼</sub>風<sub>冬</sub>有<sub>雪</sub>  
雪<sub>若</sub>無<sub>閑</sub>事<sub>挂</sub>心<sub>頭</sub>便<sub>是</sub>人<sub>間</sub>好<sub>時</sub>  
時<sub>節</sub>

大力量人

松<sub>源</sub>和<sub>尚</sub>云<sub>太</sub>力<sub>量</sub>人<sub>因</sub>甚<sub>擡</sub>脚<sub>不</sub>  
起<sub>又</sub>云<sub>開</sub>口<sub>不</sub>在<sub>舌</sub>頭<sub>上</sub>



無門曰松源可謂傾腸倒腸只是  
欠人承當縱鏡直下承當正好來  
無門處喫痛棒何故掣要識真金  
火裏看

頌曰

擡脚踏翻香水海低頭俯視四禪  
天一箇渾身無處著請續一句

雲門屎橛

雲門因僧問如何是佛門云乾屎橛  
無門曰雲門可謂家貧難辨素食  
事忙不及草書動便將屎橛來撐  
門拄戶佛法興衰可見

頌曰

閃電光

擊石火



無門

取得眼

已蹉過

迎葉刹竿

迎葉因阿難問云世尊傳金襴袈裟外別傳何物葉喚云阿難々應諾葉云倒却門前刹竿著

無門曰若向者裏下得一轉語親切便見靈山一會儼然未散其或

未然鬼漆片佛早留心直至而今不得妙

頌曰

問處何如答處親幾人於此眼生筋兄呼弟應揚家醜不屬陰陽別是春

不思善惡

無門

〇七八



六祖因明上座趨至大庾嶺祖見明  
至即擲衣鉢於石上云此衣表信可  
力爭耶任君將去明遂舉之如山不  
動踟躕悚明曰我來求法非為衣  
也願行者開示祖云不思善不思惡  
正與麼時那箇是明上座本來面目  
明當下大悟遍體汗流泣淚作禮問

曰上來密語密意外還更有意旨否  
祖曰我今為汝說者即非密也汝若  
返照自己面自密却在汝邊明云某  
甲雖在黃梅隨眾實未省自己面自  
今蒙指授入處如人飲水冷暖自知  
今行者即是某甲師也祖云汝若如  
是則吾與汝同師黃梅善自護持

シ  
シ  
シ

コ  
ウ



無門曰六祖可謂是事出急家老  
婆心切譬如新蒞支剝了殼去了  
核送在你口裏只要你嚥一嚥

頌曰

描不成今畫不就贊不及今休生  
受本來面自沒處藏世界壞時渠  
不粘

離却語

風穴和尚因僧問語默涉離微如何  
通不犯穴云長憶江南三月裏鷓鴣  
啼處百花香

無門曰風穴機如掣電得路便行  
爭奈坐前人舌頭不斷若向者裏  
見得親切自有出身之路且離却



語言三昧道將一句來

頌曰

不露風骨句  
進步口喃喃

未語先分付  
知君大圓措

三座說法

仰山和尚夢見往旃勒所安第三座  
有一尊者白槌云今日當第三座說

法山乃起白槌云摩訶衍法離四句

絕百非諦聽々々

無門日且道是說法不說法開口  
即失開口又喪不聞不聞十方八

千頌曰

白首靑夫  
捫悴々々

夢中說夢  
誑譯一衆



二僧卷簾

清涼大法眼因僧齋前上參眼以手  
指簾時有二僧同去卷簾眼曰一得  
一失

無門曰且道是誰得誰失若向者  
裏著得一隻眼便知清涼國師敗  
關處然雖如是切忌向得失裏商

量

頌曰

卷起明々徹太空太空猶未合吾  
宗爭似從空都放下綿々密々不  
通風

不是心佛

南泉和尚因僧問云還有不與人說



底法麼泉云有僧云如何是不與人  
說底法泉云不是心不是佛不是物  
無門曰南泉被者一問直得掃盡  
家私郎當不火

頌曰

叮嚀損君德 無言真有功  
任從滄海變 終不爲君通

久響龍潭

龍潭因德山請益抵夜潭云夜深子  
何不下去山遂珍重揭簾而出見外  
面黑却回云外面黑潭乃點紙燭度  
與山擬接潭便吹滅山於此忽然有  
省便作礼潭云子見箇甚麼道理山  
云某甲從今日去不疑天下老和尚



舌頭也至明日龍潭降堂云可中有  
箇漢牙如劍樹口似血盆一棒打不  
回頭他時異日向孤峰頂上立吾道  
在山遂取疏抄於法堂前將一炬火  
提起云窮諸玄辨若一毫致於太虛  
竭世樞機似一滴投於巨壑將疏抄  
便燒於是礼辞

無門日德山未出関時心憤々  
悱々得々來南方要滅却教外別  
傳之旨及到澧州路上問婆子買  
點心婆云大德車子内是甚麼文  
字山云金剛經抄疏婆云只如經  
中道過去心不可得見在心不可  
得未來心不可得大德要點那箇



心德山被者一問直得口似匾擔  
然雖如是未肯向婆子句下死却  
遂問婆子近處有甚麼宗師婆云  
五里外有龍潭和尚及到龍潭納  
盡敗闕可謂是前言不應後語龍  
潭大似憐兒不覺醜見他有些子  
火種郎忙將惡水寫頭一澆々々

冷地看来一場好笑

頌曰

聞名不如見面 見面不如聞名  
雖然救得鼻孔 爭奈瞎却眼睛  
非風非幡

六祖因風颺刹幡有二僧對論一云  
幡動一云風動往後曾未契理祖云



不是風動不是幡動仁者心動二僧  
悚然

無門日不是風動不是幡動不是  
心動甚處見祖師若向者裏見得  
親切方知二僧買鉄得金祖師忍  
俊不禁一湯漏逗  
頌曰

風幡心動 一狀領過  
只知開口 不覺話墮

即心即佛

馬祖因大梅問如何是佛祖云即心  
是佛

無門日若能直下領略得去著佛  
衣喫佛飯說佛語行佛行即是佛



也然雖如是太梅引多少人錯認  
定盤星爭知道說箇佛字二日漱  
口若是箇漢見說即心是佛掩耳  
便走

頌曰

靜夫白日

切忌尋覓

更問如何

抱賊斗屈

趙州勘婆

趙州因僧問婆子臺山路向甚處去  
婆云蕩直去僧纔行三五步婆云好  
箇師僧又恁麼去後有僧舉似州  
云待我去與你勘過這婆子昨日使  
去亦如是問婆亦如是答州歸謂眾  
曰臺山婆子我與你勘破了也



無門曰婆子只解坐籌帷幄要祖  
著賊不知趙州老人善用偷營劫  
塞之機又且無大人相檢點將來  
二俱有過且道那裏是趙州勘破  
婆子處

頌曰

問既一般

答亦相似

飯裏有砂

泥中有刺

外道問佛

世尊因外道問不問有言不問無言  
世尊據座外道贊歎云世尊太慈大  
悲開我迷雲令我得入乃具禮而去  
阿難尋問佛外道有何所證贊歎而  
去世尊云如世良馬見鞭影而行



無門曰阿難乃佛弟子宛不如外  
道見解且道外道與佛弟子相去  
多少

頌曰

劍刃上行

氷稜上走

不涉階梯

懸崖撒手

非心非佛

馬祖因僧問如何是佛祖云非心非  
佛

無門曰若向者裏見得參學竟畢

頌曰

路逢劍客須呈

不遇詩人莫獻

逢人且說三分

未可全施一片

智不是道



南泉云心不是佛智不是道

無門曰南泉可謂老不識羞纔開

臭口家醜外揚然雖如是知恩者

少

頌曰

天晴日頭出

雨下地上濕

盡情都說了

只恐信不及

大  
小  
新

倩女離魂

五祖問僧云倩女離魂那箇是真底

無門曰若向者裏悟得真底便知

出殼入殼如宿旅舍其或未然切

莫亂走驀然地水火風一散如落

湯螃蟹七手八脚那時莫言不道

頌曰

無門

四十一



雲月是同

溪山各異

万福々々

是一是二

路逢達道

五祖云路逢達道人モシテカナニラ不將語默對且モシテカナニラ

道將甚麼對イハモシテカナニラ無門日若向者モシテカナニラ裏對得親切モシテカナニラ不妨モシテカナニラ慶快其或未然也ケイクワイシキレハシロシロモトハハシラシラモトハハシラシラ須一切處著眼スベシキニヨニツクニモシラ

頌曰

路逢達道人

不將語默對

攔腮劈面拳

直下會便會

庭前栢樹

趙州因僧問如何是祖師西來意シヨウシヨウ州シヨウ云庭前栢樹子シヨウ

無門日若向趙州谷處見得親切モシテカナニラ

無門

四十一



前無釋迦後無弥勒

頌曰

言無展事

美言者喪

語不投機

滯句者迷

牛過窓櫺

五祖曰譬如水牯牛過窓櫺頭角四蹄都過了因甚麼尾巴過不得

無門曰若向者裏顛倒著得一隻

眼下得一轉語可以上報四恩下

資三有其或未然更須照顧尾巴

始得

頌曰

過去墮坑塹者些尾巴子

回來却被壞直是甚奇怪



雲門話墮

雲門因僧問光明寂照遍河沙一句  
未絕門遷曰豈不是張拙秀才語僧  
云是門云話墮也後來死心拈云且  
道那裏是者僧話墮處

無門日若向者裏見得雲門用處  
孤危者僧因甚話墮堪為人天為

師若也未明自救不了

頌曰

急流垂釣

貪餌者著

口縫纒開

性命喪却

趯倒淨瓶

馮山和尚始在百丈會中充典座百  
丈將選大馮主人乃請同首座對衆



下語出格者可往百丈遂拈淨瓶置  
地上設問云不得喚作淨瓶汝喚作  
甚麼首座乃云不可喚作木揆也百  
丈却問於山乃趨倒淨瓶而去百  
丈笑云第一座輸却山子也因命之  
為開山

無門曰滄山一期之勇爭奈跳百

丈圈圍不出檢點將來便重不硬  
輕何故擊脫得盤頭擔起鉄枷

頌曰

颺下箴籬并木杓當陽一突絕周  
遮百丈重関欄不任脚尖趨出佛  
如麻

達磨安心



達磨面壁二祖立雪斷臂云弟子心  
未安乞師安心磨云將心來為汝安  
祖云覓心了不可得磨云為汝安心  
竟

無門日鉄齒老胡十万里航海特  
特而來可謂是無風起浪末後接  
得一箇門人又却六根不具喫謝

三郎不識四字

頌曰

西來直指

撓聒鼓林

事因囑起

元來是你

女子出定

世尊昔因文殊至諸佛集處值諸佛  
各還本處惟有一女人近彼佛坐入



於三昧文殊乃自佛云何女人得近  
佛坐而我不得佛告文殊汝但覺此  
女令從三昧起汝自問之文殊遠女  
人三匝鳴指一下乃托至梵天盡其  
神力而不能出世尊云假使百千文  
殊亦出此女人定不得下方過一十  
二億河沙國土有罔明菩薩能出此

女人定須臾罔明大士從地湧出禮  
拜世尊々々勅罔明却至女人前鳴  
指一下女人於是從定而出  
無門曰釋迦老子做者一場雜劇  
不通小小且道文殊是七佛之師  
因甚出女人定不得罔明初地菩  
薩為甚却出得若向者裏見得親



切業識忙々那伽大定

頌曰

出得出不得

渠儂得自由

神頭并鬼面

敗闕當風流

首山竹篋

首山和尚拈竹篋示衆云汝等諸人

若喚作竹篋則觸不喚作竹篋則背

汝諸人且道喚作甚麼

無門曰喚作竹篋則觸不喚作竹

篋則背不得有語不得無語速道

速得

頌曰

拈起竹篋

行殺活令

背觸交馳

佛祖乞命



芭蕉拄杖

芭蕉和尚示衆云你有拄杖子我与你  
你拄杖子你無拄杖子我奪你拄杖  
子

無門曰杖過斷橋水伴歸無月村  
若喚作拄杖入地獄如箭

頌曰

諸方深與淺 都在掌握中  
撐天并拄地 隨處振宗風

他是阿誰

東山演師祖曰釋迦弥勒猶是他奴  
且道他是阿誰

無門曰若也見得他分曉譬如十  
字街頭撞見親爺相似更不須問



別人道是亦不是

頌曰

他弓莫稅

他馬莫騎

他非莫辨

他莫莫知

竿頭進步

石霜和尚云百尺竿頭如何進步又  
古德云百尺竿頭坐底人雖然得入

未為真百尺竿頭須進步十方世界  
現全身

無門日進得步翻得身更嫌何處  
不稱尊然雖如是且道百尺竿頭  
如何進步

頌曰

瞎却頂門眼

錯認定盤星



拚身能捨命

一盲引衆盲

堯率三関

堯率悅和尚設三関問學者

撥草參玄只圖見性即今上人性在

甚處識得自性方脫生死眼光落

時作麼生脫脫得生死便知去處

四大分離向甚處去

無門曰若能下得此三轉語便可

以隨處作主遇緣即宗其或昧然

麁食易飽細嚼難飢

頌曰

一念普觀無量劫無量劫更即如

今如今觀破箇一念觀破如今觀

底人



乾峰一路

乾セ峯ホウ和尚ニヤウ因ニ僧ニ問ト十方ヒツハツ薄ホ伽カ梵バン一ニ路ロ  
涅ニ槃ハク門モン未レ審シ路ロ頭トウ在ル甚イ麼ツ處レ峯ニ拈ニ起キ  
拄シ杖シヤウ劃クワ一ニ劃クワ云ク在リ者ニ裏ニ後ニ僧ニ請シ益シ雲クモ  
門モン六ニ拈ニ起キ扇セン子シ云ク扇ニ子シ跨カ跳トウ上ニ三ニ十ニ  
三ニ夫ニ築チク著シ帝テイ釋シヤク鼻ビ孔コウ東トウ海カイ鯉リ魚イ打ウ  
棒ボウ雨ウ似ニ盆ニ傾キヤウ

無ム門モン日ニチ一ニ人ニ向カ深シ々ク海カイ底テイ行キヤウ斲シヤク土ト  
揚ヤウ塵ジン一ニ人ニ於カ高カウ々ク山サン頂テイ立リ白ハク浪ラウ滄サウ  
天テン把ハ定テイ放フ行キヤウ各カク出シ一ニ隻シヤク手シュ扶フ豎ジュ宗シュウ  
乘セウ大ダイ似ニ兩リヤウ箇コ馳チ子シ相シヤウ撞チュウ著シ世セ上シヤウ應エイ  
無ム直ジヤク底テイ人ニ正シヤウ眼ケン觀ケン來ライ二ニ大ダイ老ラウ物ブツ惣ソウ未メイ  
識シキ路ロ頭トウ在ル

頌曰

無門

五十一



未舉步時先已到未動舌時先說  
了直饒著々在機先更須知有向  
上竅

從上佛祖垂示機緣擷數結案初  
無剩語揭翻腦蓋露出眼睛肯要  
諸人直下美當不從它覓若是通

方上士纔聞舉著便知落處了無  
門戶可入亦無階級可外掉臂度  
關不問關吏豈不見玄沙道無門  
解脫之門無意道人之意入白雲  
道明々知道只是者箇爲甚麼透  
不過恁麼說話也是赤土搽牛妳  
若透得無門關早是鈍置無門若



透不得無門関、亦乃辜負自己、  
謂涅槃心易曉、差別智難明、  
得差別智、家國自安寧、  
皆紹定、改元、  
解制前、五日、楊岐八世孫、  
無門比、  
五慧、開謹識

無門関卷終

禪箴

循規守矩、無繩自縛、  
縱橫無碍、外道、  
魔軍存心、澄寂默照、  
邪禪恣意、忘緣、  
墮落深坑、惺々不昧、  
帶鎖擔枷、思善、  
思惡、地獄天堂、  
佛見法見、  
一鉄圍山、  
念起即覺、  
弄精魂、  
漢兀然、  
習定、  
鬼家、  
活計進則迷、  
理退則垂、  
宗不進不退



有氣死人且道如何履踐努力今生  
須了却莫教永劫受餘殃

黃龍三関

我手何似佛手摸得枕頭背後不覺  
大笑呵々元來通身是手

我脚何似驢脚未舉步時踏著一任  
四海橫行倒跨楊岐三脚  
人々有箇生緣各各透徹機先那叱  
折骨還父五祖豈藉爺縁  
佛手驢脚生緣非佛非道非禪莫怪  
無門関險結盡褌子深冤




瑞巖近日有無門撥向繩床判古今  
凡聖路頭俱截斷幾多蟠螫起雷音

請

無門首座立僧山偈奉謝紹定庚

寅季春無量宗壽書



達磨西來不執文字直指人心見性  
成佛說箇直指已是迂曲更言成佛  
郎當不少既是無門因甚有閑老婆  
心切惡聲流布無庵欲贅一語又成  
四十九則其間些子謠訛剔起眉毛  
薦取淳祐乙巳夏重刊





檢校少保寧武軍節度使京湖安撫制置大使兼屯田使

兼夔路策應大使兼知江陵府漢東郡開國公食邑

二千一百戶食實封陸佃戶

子孟珙

跋





無門老禪作四十八則語判斷古德  
公案大似賣油餅人令買家開口接  
了更吞吐不得然雖如是安晚欲就  
渠熱爐熬上再打一枚足成大術之  
數却仍前送似未知  
老師從何處下牙如一口喫得放光  
動地若猶未也連見在四十八箇都

成熱沙去速道々々

第四十九則語

經云止止不須說我法妙難思安晚  
日法從何來妙從何有說時又作麼  
生豈但豐干饒舌元是釋迦多口這  
老子造作妖怪令千百代兒孫被葛



藤纏倒未得頭出似這般奇特話  
匙挑不上既蒸不熟有多少錯認底  
傍人問云畢竟作如何結斷安晚合  
十指爪日止止不須說我法妙難思  
却急去難思兩字上打箇小圓相子  
指示眾人太藏五千卷維摩不二門  
總在裏計

頌曰

語火是燈  
惟賊識賊

掉頭弗應  
一問即策

淳祐丙午季夏初吉安晚居士  
書于西湖漁莊





舊板磨滅故重命工三鋟  
梓畢這板置于武藏州  
燃率山廣園禪寺也

應永乙酉十月十三日

幹縁比在常牧



